

6. Igice cy'inzira nyabagendwa kigarukira ku mirongo ibiri yera icagaguye ibangikanye kandi gifite ubugari buhagije kugirango imodoka zitambuke neza, kiba ari agahanda k'amagare.

7. Umurongo wera udacagaguye ushobora gucibwa ku nkombe nyayo y'umuhanda umusezero w'inzira y'abanyamaguru cyangwa w'inkengeri y'umuhanda yegutse *kugirango biboneke ku buryo burushijeho.*

8. Umugongo w'umuhondo ucagaguye uciye ku nkombe nyayo y'umuhanda, umusezero w'inzira y'abanyamaguru cyangwa w'inkengeri y'umuhanda yegutse, bivuga ko uguhagarara umwanya munini bibujijwe kuri uwo muhanda ku burebure bw'uwo murongo.

9. Umurongo mugari wera udacagaguye ushobora gucibwa ku muhanda kugirango ugaragaze inkombe mpimbano yawo.

Igice cy'umuhanda kiri hakurya y'uwo murongo kigenewe guhagararwamo umwanya munini uretse ku byerekeye imihanda irombeje y'ibisate byinshi n'imihanda y'imodoka.

Intangiriro n'iherezo by'aho hantu hahagararwamo umwanya munini bishobora kugaragazwa n'umurongo wera udacagaguye wa mbukiranya umuhanda.

✓ Imyanya ibinyabiziga bigomba guhagararwamo ishobora kugaragazwa n'imurongo yera yambukiranya umuhanda.

10. Mu gihe iyo mirongo nta wundi yagenewe, imurongo yera irombereje igomba kugira ubugari buri hagati ya santimetero 10 na santimetero 15 naho imurongo mugari igomba kugira ubugari buri hagati ya metero 40 na santimetero 60.

Uburebure n'ubutandukane by'uduce tw'umurongo ucagaguye bizaba ku buryo bukurikiranye hagati ya metero 1 na metero 5 no hagati ya metero 3 na metero 15.

11. Imigongo yera irombereje ishobora gusimburwa n'imitemeri hakurikijwe ibi bikurikira:

a) *Umurongo udacagaguye ugizwe n'imitemeri y'ibara ryera cyangwa risa n'icyuma, iri mu ntera ngufi igenda ingana hagati yayo.*

b) *Umurongo ucagaguye ugizwe n'imitemeri y'ibara ryera cyangwa risa n'icunga ishyizweho mu dutsiko, muri two imitemeri igashyirwa mu ntera ngufi ikagenda ingana hagati yayo, utwo dutsiko twose natwo ubwatwo tukaba dutandukanijwe n'intera igiye isumbaho.*

14. Ibimenyetso by'agateganyo bigizwe n'imitemeri y'ibara risa n'icunga rihishije bishobora gusimbura imurongo yera irombereje, idacagaguye n'icagaguye hakurikijwe amabwiriza yashyizweho mu gika cya 11 cy'iyi ngingo.

Ibimenyetso by'agateganyo bivanaho agaciro k'ibimenyetso birombereje byera biri ahantu hamwe.

4.4.2. ICYICIRO CYA II: Ibimenyetso byambukiranya

Ingingo ya 111:

1. Umurongo mugari wera udacaguye uciye ku buryo bugororotse ku nkengeri y'umuhanda: *werekana aho abayobozi bagomba (no) guhagarara akanya gato gategetswe babyeretswe n'icyapa N°B,2 a, cyangwa N°B2b (STOP) cyangwa ikimenyetso kimurika cyerekana uburyo bwo kugendera mu muhanda.*

2. Umurongo ugizwe na mpande-eshatu nyampanga zifite amasonga yerekeye aho abayobozi zireba baturuka kandi uciye ku buryo bugororotse ku nkengeri y'umuhanda werekana aho abayobozi bagomba guhagarara akanya gato iyo bishoboka, kugirango batange inzira hakurikijwe icyapa N°B,1 (mpande-eshatu ifite rimwe mu masonga rireba hasi).